



**Jostedalsbreen
nasjonalparkstyre**

Postadresse
Njøsavegen 2
6863 LEIKANGER

Besøksadresse
Rådhusvegen 1
6868 Gaupneststed

Kontakt
Sentralbord: +47
Direkte: +47 5764 3133
sfvlpost@statsforvalteren.no
<https://www.nasjonalparkstyre.no/jostedalsbreen>

Anders Folven
Peter Wanviks Veg 29
7022 TRONDHEIM

Sakshandsamar Tor Arne Hauge

Vår ref. 2019/4933-0 432.3

Dykkar ref.

Dato 18.05.2022

Delegert vedtak

Delegasjonssak	
-----------------------	--

Jostedalsbreen nasjonalpark - Storselet på Sunndalssætra - utvida frist for ferdigstilling

Delegert vedtak

I medhald av delegeringsreglement vedteke av Jostedalsbreen nasjonalparkstyre 14.03.2016, vert det gjort fylgjande vedtak:

I medhald av verneforskrifta for Jostedalsbreen nasjonalpark, punkt 1.3., første ledd, gjev nasjonalparkforvaltaren Anders Folven utvida frist til 31.12.2022 for ferdigstilling av riving/gjenoppbygging av storsetlet til Gnr/Bnr 17/3, Anders-bruket, på Sunndalssætra i Stryn kommune.

Nasjonalparkstyret sitt vedtak av 30.oktober 2017 med løyve til riving og gjenoppbygging av storsetlet står framleis ved lag, med endringar vedteke av Miljødirektoratet 11.09.2019 i *Avgjerd i klagesak – riving og gjenoppbygging av sel i Jostedalsbreen nasjonalpark*.

Løyve til riving/gjenoppbygging av bygget vert gitt på vilkår av at:

- Eit nytt storsel blir bygd identisk med eksisterande bygg, inkludert vindauge og dører.
- Eksisterande bygning blir fotografert frå alle vinklar på førehand og sendt til nasjonalparkforvaltaren.
- Alt rivingsmateriale skal fraktast ut av nasjonalparken og leverast til godkjent mottak.

Byggjeløypet for det omsøkte bygget gjeld til og med år 2022. Rapport og bilete vert sendt nasjonalparkforvaltaren ved avslutta prosjekt. Materialar skal lagrast forsvarleg. Søkjar må innhente løyve til prosjektet etter anna lovverk. Løyve til motorferdsle vert handsama separat.

Byggjeløypet vert med dette utvida med eit år.



Dokument i saka

- Søknad frå Anders Folven med vedlegg - datert 24.05 2017
- Styresak 22/17 - Jostedalsbreen nasjonalparkstyret – 19.06.2017
- Styresak 38/17 - Jostedalsbreen nasjonalparkstyret – 30.10.2017
- Avgjerd i klagesak – Miljødirektoratet – 11.09.2019
- Søknad om utsett frist – datert 5.4.2021 og 20.07.2021

Søknaden

Anders Folven søkte i epost av 05.04.2021 om utsett frist for ferdigstilling av riving og gjenoppbygging av storsetlet på Sunndalssætra. Søknaden er grunngjeve med lang sakshandsamingstid og den då pågåande pandemien.

Søklar purra 20.juli 2021 med ny epost der han etterlystre svar på søknaden om utsett frist. Ingen av desse epostane har nådd fram til Nasjonalparkforvaltninga då dei var sendt på ei epostadresse som var gått ut av bruk i samband med samanslåinga av fylkesmannsembeta. Det har gått ut eit varsel til søklar om at epostadressa ikkje var i bruk, men dette varselet har ikkje blitt registrert av søklar, truleg har det hamna i eit spamfilter.

Søknaden gjeld såleis utsett frist for ferdigstilling med eit år.

Søknaden er vurdert i samsvar med

- Forskrift om vern av Jostedalsbreen nasjonalpark
- Lov om bevaring av naturens mangfold (naturmangfaldslova)

Bakgrunn for saka:

Anders Folven søkte 24.05.2017 om restaurering avsel, fjøs og riving/gjenoppbygging av storsetlet på Sunndalssætra. Jostedalsbreen nasjonalparkstyret gav i styresak 22/17 den 19.06.2017 løyve til restaurering av sel og fjøs, men utsette handsaminga av søknaden om riving/gjenoppbygging av storsetlet.

Nasjonalparkstyret gjorde nytt vedtak i møte 30.10.2017 kor det vart gjeve løyve til riving og gjenoppbygging av storsetlet på vilkår. Søklar klaga på eit av vilkåra i løyvet og saka vart sendt til miljødirektoratet for endeleg avgjerd. Miljødirektoratet gjorde vedtak i klagesaka 11.09.2019, der dei tok klaga til følgje. Nasjonalparkstyret sitt vedtak i styresak 38/17 vart ståande med følgjande endringar:

1. Dette vilkåret gjeld ikkje: «Tiltakshavar inngår langsiktig leigeavtale med eit turlag, turistforeining, organisasjon eller ideell stifting om utleige av storsetlet for å sikre ålmenta sin tilgang til overnatting på Sunndalssætra.»
2. Fristen for å gjennomføre riving og gjenoppbygging vert sett til ut året 2021.

Søklar meldte 15.05.2022 frå til SNO Jostedalsbreen om at han ville transportere materialar til storsetlet på Sunndalssætra førstkamande fredag. Nasjonalparkforvaltar gjekk då igjennom sakspapira og fann at løyvet til riving/gjenoppbygging gjaldt ut 2021, og dermed ikkje var gyldig lenger. 16.05.22 prøvde nasjonalparkforvaltar å få kontakt med søklar på telefon og sendte epost der søklar vart varsla om at han måtte søkje om nytt løyve.



Søkjar tok då kontakt pr telefon og sa at han hadde søkt om utsetjing våren 2021 og purra på svar i juli 2021. Søkjar sendte kopiar av epostane som han hadde sendt våren og sommaren 2021. Nasjonalparkforvaltar etterlyste epostane internt hjå statsforvaltaren. Det viste seg då at epostane var sendt på ei gamal epostadresse som ikkje lenger er i bruk. Dei hadde difor ikkje nådd fram til nasjonalparkforvaltninga.

Verneforskrift og verneformål

For all utgreiing kring lovgrunnlag, om søknaden og tidlegare vurderingar vert det vist til miljødirektoratet sitt brev av 11.09.2019 *Avgjerd – riving og gjenoppbygging av sel i Jostedalsbreen nasjonalpark* og styresakene 22/17 og 38/17

Vurdering

Forvaltar vurderer at utsett frist for ferdigstilling av prosjektet med eit år ikkje vil påverke verneverdiane på nokon måte. Det medfører berre at tiltaket vert gjennomført på eit seinare tidspunkt enn opphøveleg omsøkt.

At søknaden søknaden no vert handsama etter at fristen for riving/gjenoppbygging er gått ut er uheldig. Det ville normalt sett ha medført ny handsaming av heile byggjesaka. Men at søknaden om utsetjing ikkje nådde fram kjem av eit samanfall av fleire uheldige omstende som ikkje kan lastast søkjar. Dersom søknaden om utsett frist hadde nådd fram til nasjonalparkforvaltninga då den vart forsøkt sendt inn i april 2021, ville sakshandsaminga ha vore enkel, mest som ein formalitet.

Informasjon om klage

Vedtaket kan klagast inn for Miljødirektoratet av partar i saka eller andre som har rettsleg klageinteresse med ein frist på 3 veker jf. forvaltningslova §§ 28-29. Klagen skal rettast til Miljødirektoratet, men sendast via nasjonalparkstyret v/sekretariatet, som kan gje nærare opplysningar om klagerett og rett til og sjå saksdokument.

Med helsing

Tor Arne Hauge
nasjonalparkforvaltar

Dokumentet er elektronisk godkjent

Kopi til:

STATSFORVALTAREN I VESTLAND
anne.rudsengen@miljodir.no
STRYN KOMMUNE

Njøsavegen 2

Tonningsgata 4

6863

6783

LEIKANGER

STRYN